



KOMISIJA ZA IZBOR POLICIJSKIH SLUŽBENIKA U ČIN „POLICAJAC“

Broj: 05-04/01-1-30-1208/24  
Dana: 24.12.2024. godine.

Na osnovu člana 49. Zakona o policijskim službenicima Unsko-sanskog kantona – prečišćeni tekst („Službeni glasnik Unsko-sanskog kantona“ broj: 27/24), Pravilnika o sadržaju, načinu i rasporedu testiranja i sistemu bodovanja kandidata u procesu odabira policijskih službenika u Upravi policije Ministarstva unutrašnjih poslova Unsko-sanskog kantona („Službeni glasnik USK“, broj: 29/21, 29/22, 33/22 i 10/23), Odluke Uprave policije o popuni upražnjenih radnih mjesta u „policajac“ u Upravi policije Ministarstva unutrašnjih poslova Unsko-sanskog kantona broj: 05-04/04-2-30-1208/24 od dana 12.12.2024. godine i Rješenja o formiranju Komisije za izbor policijskih službenika čin „policajac“ broj: 05-04/04-02-30-1208/24 od 18.12.2024. godine, Komisija za izbor policijski službenika u čin „policajac“, objavljuje:

**JAVNI OGLAS**

**za popunu upražnjenih radnih mjesta policijskih službenika u početni čin “POLICAJAC”  
u Upravi policije Ministarstva unutrašnjih poslova Unsko-sanskog kantona**

**I BROJ UPRAŽNJENIH RADNIH MJESTA**

Pokreće se procedura za popunu upražnjenih radnih mjesta u Upravi policije Ministarstva unutrašnjih poslova Unsko-sanskog kantona i to:

**U ČINU POLICAJAC .....40 izvršilaca.**

**II OPĆI I POSEBNI UVJETI ZA ZAPOSŁJAVANJE**

Za zasnivanje radnog odnosa policijskog službenika u čin policajac, kandidat mora ispunjavati opće i posebne uvjete.

**Opći uvjeti:**

- da je državljanin Bosne i Hercegovine;
- životna dobi između 18 i 30 godina (uključujući 30. godinu života);
- najmanje završen IV stepen školske spremne;
- da ima ljekarsko uvjerenje ne starije od 3 mjeseca kao dokaz o fizičkoj i psihičkoj sposobnosti za rad
- da nije otpušten iz institucija državne uprave ili iz vojne službe u Bosni i Hercegovini kao rezultat disciplinske sankcije;
- da protiv nje/njega nije pokrenut krivični postupak ili/i da nije izrečena pravomoćna kazna zatvora za krivično djelo, osim za krivična djela protiv sigurnosti prometa u skladu sa krivičnim zakonodavstvom;
- da nije optužen/a od Međunarodnog krivičnog tribunala za bivšu Jugoslaviju i da se nije odbio/la pojaviti pred Tribunalom.

**Posebni uvjet:**

- da ima položen vozački ispit „B“ kategorije;
- da ima dozvoljen pristup tajnim podacima stepena tajnosti „POVJERLJIVO“.

### III DOKUMENTACIJA, ROK I MJESTO PRIJAVLJIVANJA

Uz prijavu na Javni oglas kandidati dostavljaju slijedeće dokumente u vidu originala ili ovjerene fotokopije:

- a) uvjerenje o državljanstvu Bosne i Hercegovine ne starije od 6 mjeseci;
- b) izvod iz matične knjige rođenih;
- c) diplomu o završenoj školskoj spremi IV stepena;
- d) rješenje o nostrifikaciji izdato od nadležnog organa u BiH, ukoliko je školska sprema stečene van BiH nakon 06.04.1992.godine;
- e) potvrdu ili uvjerenje poslodavca - državnog organa ili institucije da kandidat nije otpušten iz organa državne uprave kao rezultat disciplinske mjere na bilo kojem nivou vlasti u Bosni i Hercegovini ili iz vojne službe, *(za kandidate koji su bili ili su još uvijek zaposleni u državnim organima i institucijama ili vojsci)*, odnosno ovjerena izjava kandidata da nije otpušten iz organa državne uprave kao rezultat disciplinske mjere na bilo kojem nivou vlasti u Bosni i Hercegovini ili iz vojne službe, *(za kandidate koji nisu niti su bili uposlenici državnih organa i institucija ili vojske)*;
- d) izjava kandidata ovjerena od strane nadležnog organa da kandidat nije obuhvaćen odredbom člana IX stav 1. Ustava Bosne i Hercegovine *(da nije optužen/a od Međunarodnog krivičnog tribunala za bivšu Jugoslaviju i da se nije odbio/la pojaviti pred Tribunalom)*;
- e) uvjerenje o nevođenju krivičnog postupka izdato od nadležnog suda ne starije od 3 mjeseca;
- f) ovjerena fotokopija vozačke dozvole;
- h) potpisana izjava - saglasnost za korištenje ličnih podataka u procesu odabira kandidata po Javnom oglasu, (nije potrebno ovjeravati).

**Prijava na oglas se podnosi na prijavnom obrazcu koji će biti dostupan kandidatima u sjedištu Ministarstva unutrašnjih poslova Unsko-sanskog kantona, Ulica 502. Viteške brigade br.2 Bihać, kao i na web stranici MUP USK „[mupusk.gov.ba](http://mupusk.gov.ba)”.**

**Kandidat je dužan da popuni prijavni obrazac u cjelosti i stavi svojeručni potpis, u suprotnom, isti će se smatrati neurednim i biti će odbačen, kao i prijave, koje ne budu dostavljene na propisanom obrazcu za prijavu, neće biti uzete u razmatranje.**

Ispunjavanje uvjeta utvrđenih ovim oglasom računa se danom predaje prijave kandidata.

Prijave sa potrebnim dokumentima se predaju u roku od 30 dana od dana objavljivanja Javnog oglasa u dnevnoj štampi neposrednom predajom putem pisarnice MUP USK ili preporučenom poštom na adresu:

**Ministarstvo unutrašnjih poslova Unsko-sanskog kantona  
Uprava policije  
Ulica 502. viteške brigade broj 2, 77000 Bihać  
sa naznakom  
Prijava na javni oglas  
“Komisija za izbor policijskih službenika u čin policajac”  
- NE OTVARATI -**

#### **Napomena:**

Prije donošenje odluke o izboru kandidata za popunu upražnjenih radnih mjesta, a radi utvrđivanja posebnog uvjeta koji se odnosi na pristup tajnim podacima, predloženi kandidati bit će predmet sigurnosne provjere shodno utvrđenom stepenu tajnosti za radno mjesto u skladu sa postupkom za izdavanje dozvole za pristup tajnim podacima, a u skladu sa odredbama Zakona o zaštiti tajnih podataka (“Službeni glasnik BiH”, broj: 54/04 i 12/09), kao i odredbama podzakonskih propisa donesenih na osnovu odredaba navedenog Zakona. U slučaju da predloženi kandidat ne prođe sigurnosne provjere, bit će predložen slijedeći kandidat sa liste koji taj uvjet ispunjava.

Komisija će za opći uvjet koji se odnosi na činjenicu krivičnog kažnjavanja iz člana 46. stav 1. tačka f. Zakona o policijskim službenicima Unsko-sanskog kantona, naknadno pribaviti podatke po službenoj dužnosti iz službene evidencije nadležnih Policijskih stanica i to za kandidate koji su uspješno završili testiranje, zadovoljili na ljekarskom pregledu i za koje je izgledno da će biti upućeni za pohađanje osnovne obuke za kadete.

Kandidati nisu obavezni uz prijavu dostaviti ljekarsko uvjerenje, jer će se provjera zdravstvene sposobnosti – fizičke i psihičke (ljekarski pregled) za kandidate koji uspješno prođu proces testiranja izvršiti u zdravstvenoj ustanovi na području Federacije Bosne i Hercegovine sa kojom Uprava policije MUP USK-a potpiše ugovor za vršenje ljekarskog pregleda.

**Nepotpune i neblagovremene prijave neće se uzeti u razmatranje.**

#### **IV VRSTE TESTOVA KOJE KANDIDATI POLAŽU**

Kandidati koji ispunjavaju opće i posebne uvjete iz ovog oglasa i koji su priložili svu potrebnu dokumentaciju i u prijavnim obrascu naveli sve tražene podatke u skladu sa članom 51. Zakona o policijskim službenicima Unsko-sanskog kantona imaju pravo pristupa testiranju koji se sastoji od:

- a) test općeg znanja i pisani rad, (poznavanje propisa koji se primjenjuju na radnom mjestu za koje se kandidat prijavio),
- b) test fizičke sposobnosti (test motoričkih sposobnosti),
- c) drugi test koji policijski organ smatra potrebnim ili opravdanim,
- d) ljekarski pregled.

Kandidat koji ne ostvari eliminatorni prag bodova na jednom od testova iz tačke “a ili b” ili se utvrdi da ne zadovoljava kriterije na testovima pod c) ili d), isključuje se iz daljeg procesa odabira.

Test općeg znanja sadrži 35 ispitnih pitanja sa liste od 300 pitanja i 1 temu za pisani rad od 5 tema, objavljenih na web stranici MUP USK „mupusk.gov.ba” i “vladausk.ba”.

Test općeg znanja i lista pitanja sačinjava se iz sljedećih oblasti: ustavno pravo-ustavno uređenje Bosne i Hercegovine, Federacije Bosne i Hercegovine i Unsko-sanskog kantona, upravno pravo i organizacija uprave u F BiH, Zakon o unutrašnjim poslovima USK, Zakon o policijskim službenicima USK, kancelarijsko poslovanje, radno pravo, krivično pravo (materijalno i procesno pravo) prekršajno pravo, propisi iz oblasti sigurnosti saobraćaja na putevima, javnog reda i mira, javnog okupljanja, nabavljanja, držanja i nošenja oružja i municije na području Unsko-sanskog kantona, propisi o ličnoj karti, ličnom imenu, prebivalištu i boravištu građana.

Teme za pisani rad odnose se na praktičnu situaciju u vezi sa ulogom policije u društvu, oblast javnog reda i mira, sigurnost saobraćaja na putevima u Bosni i Hercegovini i druge oblasti iz nadležnosti Uprave policije.

**Komisija za izbor će primijeniti kriterije te izvršiti i dodatno bodovanje kod zapošljavanja branilaca i članova njihovih porodica, a u skladu sa odredbama Zakona o dopunskim pravima branilaca i članova njihovih porodica („Službeni glasnik USK“, broj: 31/20), i odredbama Pravilnika o sadržaju, načinu i rasporedu testiranja i sistemu bodovanja kandidata u procesu odabira policijskih službenika u Upravi policije MUP USK-a („Službeni glasnik USK“, broj: 29/21, 29/22 , 33/22 i 10/23), za one kandidate koji prilože dokaze o ispunjavanju traženih uslova, kao i potvrdu nadležnog organa o priznatom statusu branioca, odnosno člana uže porodice.**

Pored navedene dokumentacije kojim kandidat dokazuje da se na njega odnosi odredba člana 22. Zakona o dopunskim pravima branilaca i članova njihovih porodica u obavezi je dostaviti:

- uvjerenje izdato od strane službe za zapošljavanje kojim dokazuje da je nezaposleno lice,
- ovjerena izjava da pravo iz člana 22. Zakona o dopunskim pravima branilaca i članova njihovih porodica

- ostvaruje prvi put,
- ovjerena izjava da nije lice koji je radni odnos zasnovalo na osnovu ranije ostvarene prednosti pri zapošljavanju,
- ovjerena izjava da nije lice kome je radni odnos prestao njegovom krivicom, niti da je lice koje je prekinulo ugovor o radu,
- ovjerena izjava da nije lice koje je ostvarilo pravo na otpremninu.

## V NAČIN OBAVJEŠTAVANJA KANDIDATA

O procesu odabira kandidati će biti obavještavani i informisani putem oglasne ploče i internet stranice „mupusk.gov.ba” Ministarstva unutrašnjih poslova Unsko-sanskog kantona.

## VI TRAJANJE OBUKE I PROBNOG RADA

Odabrani kandidati pohađaju osnovnu obuku za čin „policajac“ na Policijskoj akademiji Federalnog ministarstva unutrašnjih poslova u trajnju od 7 (sedam) mjeseci. Međusobne obaveze kadeta i policijskog organa uređuju se posebnim ugovorom.

Kandidati koji uspješno završe osnovnu obuku za kadete, zasnivaju radni odnos u Upravi policije Ministarstva unutrašnjih poslova Unsko-sanskog kantona na neodređeno vrijeme sa obaveznim probnim radom u trajanju od 12 (dvanaest) mjeseci.

Kandidatima koji ne budu izabrani dokumentacija se neće vraćati.

PREDSJEDAVAJUĆI KOMISIJE ZA IZBOR  
Samostalni inspektor

Avrudin Muminović



502.Viteške brigade br.2, 77000 Bihać, BiH, Tel: +387/37/224 224, Fax: +387/37/ 221-560  
Web: www.mupusk.gov.ba, e-mail: mupusk@mupusk.gov.ba , info@mupusk.gov.ba